



Allah pomaže vjernike (Medina)

Hatib: dr. Ahmed ibn Talib ibn Abdulhamid

28. rebiul-evvel 1445. po Hidžri / 13. oktobar 2023

Hvala Allahu, Silnom, Koji mnogo daruje, Moćnom, Koji sve pobjeđuje, Koji je pomogao vjernike i porazio "saveznike", "Koji oprašta grijeha i prima pokajanje, Koji strahovito kažnjava i obilno nagrađuje; drugog boga osim Njega nema, Njemu se sve vraća". (Gafir, 3)

Svjedočim da nema boga osim Allaha, Jedinog, koji nema druga, Njemu pripada sud i Njemu ćete se vratiti, i svjedočim da je naš prvak i vjerovjesnik Muhammed, sallallahu alejhi ve sellem, Allahov rob i poslanik, kome je objavljena knjiga sa istinom, pravednom vagom, dokazom i jasnim putokazom i borbom na Njegovom putu. Allahu moj, blagoslovi, spasi i smiluj se Svome robu i poslaniku, i našem prvaku Muhammedu, sallallahu alejhi ve sellem.

"O vjernici, bojte se Allaha onako kako se treba bojati i umirite samo kao muslimani! Svi se čvrsto Allahova užeta držite i nikako se ne razjedinjujte! I sjetite se Allahove milosti prema vama kada ste bili jedni drugima neprijatelji, pa je On složio srca vaša i vi ste postali, milošću Njegovom, prijatelji; i bili ste na ivici vatrene jame, pa vas je On nje spasio. Tako vam Allah objašnjava Svoje dokaze, da biste na Pravom putu istrajali." (Ali Imran, 102–103)

Zaista je najistinitiji govor Allahov govor, najbolja uputa je uputa našeg prvaka Muhammeda, sallallahu alejhi ve sellem, najbolje stvari su propisani sunneti, a najgore su novotarije.

O vjernici! Uzvišeni kaže: "Tako smo svakom vjerovjesniku neprijatelje određivali, šejtane u vidu ljudi i džina koji su jedni drugima kićene besjede govorili da bi ih obmanuli – a da je Gospodar tvoj htio, oni to ne bi učinili; zato ti ostavi njih, i ono što izmišljaju – i da bi srca onih koji u onaj svijet ne vjeruju bila sklona tome i zadovoljna time, i da bi počinili grijeha koje su počinili. Zašto da pored Allaha tražim





drugog sudiju, kad vam On objavljuje Knjigu potanko? A oni kojima smo Mi dali Knjigu dobro znaju da Kur'an objavljuje Gospodar tvoj istinito, zato ti ne sumnjaj nikako! Riječi Gospodara tvoga su vrhunac istine i pravde. Njegove riječi niko ne može promijeniti i On sve čuje i sve zna. Ako bi se ti pokoravao većini onih koji žive na Zemlji, oni bi te od Allahova puta odvratili; oni se samo za pretpostavkama povode i oni samo neistinu govore. Gospodaru tvom su dobro poznati oni koji su skrenuli s Njegova puta i On dobro zna one koji su na Pravome putu.” (El-En'am, 112–117)

Tako je i sa sljedbenicima poslanika i njihovim neprijateljima. Kada nas Allah, džellešanuhu, obavještava o nečemu, Njegova obavijest je istina, a kada propisuje, Njegovi propisi su pravda, Njegova riječ se ne mijenja, sve je od Njega, s Njim i Njemu ide.

“Samo On stvara i upravlja! Uzvišen neka je Allah, Gospodar svjetova!” (El-A'raf, 54)

U onome što On objavljuje ogleda se pravednost Njegovih propisa, a u Njegovim propisima ogleda se istinitost Njegove objave.

“Kazuj iz Knjige Gospodara svoga ono što ti se objavljuje, niko ne može izmijeniti riječi Njegove, pa ni ti; osim kod Njega, nećeš naći utočišta nikakva.” (El-Kehf, 27)

Obistinila se riječ vašeg Gospodara o veličanstvenim svojstvima Muhammedovog ummeta i prezrenim svojstvima njihovih ljutih neprijatelja: “Vi ste narod najbolji od svih koji se ikada pojavio: tražite da se čine dobra djela, a od nevaljalih odvrćate, i u Allaha vjerujete. A kad bi sljedbenici Knjige ispravno vjerovali, bilo bi bolje za njih; ima ih i pravih vjernika, ali, većinom su nevjernici. Oni vam ne mogu nauditi, mogu vas samo vrijeđati; ako vas napadnu, dat će se u bijeg i poslije im pomoći neće biti. Ma gdje se našli, bit će poniženi, ako se ne stave pod Allahovu zaštitu i zaštitu muslimana, i zaslužiti će Allahovu srdžbu i snaći će ih bijeda, zato što u Allahove dokaze ne vjeruju i što su, ni krive ni dužne, vjerovjesnike ubijali, i zato što protiv Boga ustaju i što u zlu svaku mjeru prekoraču.” (Ali Imran, 110–112)

Vaš Gospodar, slavljen neka je, pojasnio vam je da malobrojnost ne može nauditi onome ko je pomognut Njegovom snagom i moći. Uzvišeni kaže: “Allah vas je





pomogao i na Bedru, kada ste bili malobrojni – zato se bojte Allaha, da biste bili zahvalni – kad si ti rekao vjernicima: ‘Zar vam neće biti dovoljno da vam Gospodar vaš tri hiljade meleka u pomoć pošalje? Hoće! Ako budete izdržljivi i poslušni, i ako vas oni napadnu odmah, Gospodar vaš će vam poslati u pomoć pet hiljada meleka, sve obilježenih.’ To je Allah učinio da vas obraduje i da time pouzdanje u srca vaša ulije – a pobjeda dolazi samo od Allaha, Silnoga i Mudroga, da jednu skupinu nevjernika uništi ili da ih osramoti, te da se vrate razočarani.” (Ali Imran, 123–127)

Zatim nam Uzvišeni govori o tome da se Njegova pomoć neće spustiti ljudima čija su tijela othranjena haramom i koji su nepokorni svome Gospodaru, i da se Njegova milost spušta na Njegove pokorne robove. Uzvišeni kaže: “O vjernici, bezdušni zelenashi ne budite, i Allaha se bojte, jer ćete tako postići ono što želite, i čuvajte se Vatre za nevjernike pripremljene, i pokoravajte se Allahu i Poslaniku da bi vam bila milost ukazana.” (Ali Imran, 130–132)

Nema pomoći bez pripreme, a ona treba biti i dušom i tijelom. Što se tiče pripreme duše, Allah je za nju propisao uzroke uspjeha i pobjede na dunjaluku i ahiretu, u ponašanju, govoru i djelu, pa kaže Uzvišeni: “... i nastojte zaslužiti oprost Gospodara svoga i Džennet prostran kao nebesa i Zemlja, pripremljen za one koji se Allaha boje, za one koji, i kad su u obilju i kad su u oskudici, udjeljuju, koji srdžbu savlađuju i ljudima praštaju – a Allah voli one koji dobra djela čine: i za one koji se, kada grijeh počine ili kad se prema sebi ogriješe, Allaha sjete i oprost za grijehе svoje zamole – a ko će oprostiti grijehе ako ne Allah? – i koji svjesno u grijehu ne ustraju. Njih čeka nagrada – oprost od Gospodara njihova i džennetske bašče kroz koje rijeke teku, u kojima će vječno ostati, a divne li nagrade za one koji budu tako postupili! Prije vas su mnogi narodi bili i nestali, zato putujte po svijetu i posmatrajte kako su završili oni koji su poslanike u laž ugonili. To je objašnjenje svim ljudima i putokaz i pouka onima koji se Allaha boje. I ne gubite hrabrost i ne žalostite se; vi ćete pobijediti ako budete pravi vjernici.” (Ali Imran, 133–139)

Priprema tijelom podrazumijeva poduzimanje svih neophodnih koraka spomenutih u riječima Uzvišenog: “I protiv njih pripremite koliko god možete snage i konja za boj, da biste time zaplašili Allahove i vaše neprijatelje, i druge osim njih – vi ih ne





poznajete, Allah ih zna. Sve što na Allahovom putu potrošite naknađeno će vam biti, neće vam se nepravda učiniti." (El-Enfal, 60)

Istinite su riječi vašeg Gospodara: "Ako vi dopadate rana, i drugi rana dopadaju. A u ovim danima Mi dajemo pobjedu sad jednima, a sad drugima, da bi Allah ukazao na one koji vjeruju i odabrao neke od vas kao šehide – a Allah ne voli nevjernike – i da bi vjernike očistio, a nevjernike uništio." (Ali Imran, 140–141)

Allah, džellešanuhu, obavijestio nas je o mnogim prošlim narodima i poslanicima, pa je rekao: "A koliko je bilo vjerovjesnika uz koje su se mnogi iskreni vjernici borili, pa nisu klonuli zbog nevolja koje su ih na Allahovom putu snalazile, i nisu posustajali niti su se predavali – a Allah izdržljive voli – i samo su govorili: 'Gospodaru naš, oprosti nam krivice naše i neumjerenost našu u postupcima našim, i učvrsti korake naše i pomози nam protiv naroda koji ne vjeruje!' I Allah im je dao nagradu na ovome svijetu, a na onom svijetu dat će im nagradu veću nego što su zaslužili – a Allah voli one koji dobra djela čine." (Ali Imran, 146–148)

Slavljeni Allah presuđuje pravedno i obavještava istinito da pokoravanje nevjernicima donosi propast, da se pobjeda krije u traženju zaštite i pomoći od Silnog, Pokoritelja, i da razilaženje, grijeseenje i žudnja za dunjalukom donose neuspjeh.

Uzvišeni kaže: "O vjernici, ako se budete pokoravali onima koji ne vjeruju, vratit će vas stopama vašim i bit ćete izgubljeni – samo je Allah zaštitnik vaš i On je najbolji pomagač. Mi ćemo uliti strah u srca onih koji neće da vjeruju zato što druge Allahu ravnim smatraju, o kojima On nije objavio ništa; Džehennem će njihovo boravište postati, a grozno će prebivalište nevjernika biti. Allah je ispunio obećanje Svoje kada ste neprijatelje voljom Njegovom, nemilice ubijali. Ali kada ste duhom klonuli i o svom položaju se raspravljati počeli, kada niste poslušali, a On vam je već bio ukazao na ono što vam je drago – jedni od vas željeli su ovaj svijet, a drugi onaj svijet – onda je On, da bi vas iskušao, učinio da uzmaknete ispred njih. I On vam je već oprostio, jer je Allah neizmjereno dobar prema vjernicima!" (Ali Imran, 149–152)

Allah, džellešanuhu, zabranjuje vjernicima da ostave na cjedilu svoju braću, zabranjuje da ih prepuštaju propasti, a naređuje im da budu blagi jedni prema drugima, da mole oprosta jedni za druge, da se međusobno savjetuju, istinski





pouzdanju u Allaha i traže pomoć od Njega i da izbjegavaju uzroke poraza, kao što su uzimanje ratnog plijena i neposlušnost Poslaniku, sallallahu alejhi ve sellem. Uzvišeni kaže: “O vjernici, ne budite kao nevjernici koji govore o braći svojoj kada odu na daleke pute ili kada boj biju: ‘Da su s nama ostali, ne bi umrli i ne bi poginuli’ – da Allah učini to jadom u srcima njihovim; i život i smrt Allahovo su djelo, On dobro vidi ono što radite. A ako vi na Allahovom putu poginete ili umrete, oprost i milost Allahova su zaista bolji od onoga što oni gomilaju. Bilo da umrete ili poginete, sigurno ćete se pred Allahom iskupiti. Samo Allahovom milošću ti si blag prema njima; a da si osoran i grub, razbjegli bi se iz tvoje blizine. Zato im praštaj i moli da im bude oprošteno i dogovaraj se s njima. A kada se odlučiš, onda se pouzdaj u Allaha, jer Allah zaista voli one koji se uzdaju u Njega. Ako vas Allah pomogne, niko vas neće moći pobijediti, a ako vas ostavi bez podrške, ko je taj ko vam, osim Njega, može pomoći? I samo u Allaha neka se pouzdaju vjernici! Nezamislivo je da Vjerovjesnik šta utaji! A onaj ko nešto utaji - donijeće na Sudnji dan to što je utajio i tada će se svakome u potpunosti dati ono što je zaslužio, nikome se nepravda neće učiniti.” (Ali Imran, 156–161)

Ko misli da su ubijeni i s jedne i s druge strane jednaki, neka pročitaj riječi Uzvišenog: “Zar se onaj koji je Allahovu naklonost zaslužio može porediti s onim koji je Allahovu srdžbu navukao i čije će prebivalište biti Džehennem? A užasno je to boravište! Oni su u Allaha – po stepenima. A Allah dobro vidi ono što oni rade.” (Ali Imran, 162–163)

Istinite i pravedne su riječi Uzvišenog o milosti koju je ukazao vjernicima slanjem najodabranijeg Poslanika, koji ih je spasio od jasne zablude, i kojima je ukazao na to da nedaće dolaze od nas samih onda kada se suprotstavimo Poslanikovim naredbama i okrenemo od njegove upute. Uzvišeni kaže: “Allah je vjernike milošću Svojom obasuo kad im je jednog između njih kao poslanika poslao, da im riječi Njegove kazuje, da ih očisti i da ih Knjizi i mudrosti nauči, jer su prije bili u očitoj zabludi.” (Ali Imran, 164)

O vjernici! Bojte se Allaha i držite se najčvršćeg užeta, i znajte da kušnje predstavljaju čišćenje i počast. Uzvišeni kaže: “Nikako ne smatraj mrtvima one koji su na Allahovu





putu izginuli! Ne, oni su živi i u obilju su kod Gospodara svoga, radosni zbog onoga što im je Allah od dobrote Svoje dao i veseli zbog onih koji im se još nisu pridružili, za koje nikakva straha neće biti i koji ni za čim neće tugovati; radovat će se Allahovoj nagradi i milosti i tome što Allah neće dopustiti da propadne nagrada onima koji su bili vjernici. One koji su se Allahu i Poslaniku i nakon zadobijenih rana odazvali, one između njih, koji su dobro činili i bogobožni bili – čeka velika nagrada; one kojima je, kada su im ljudi rekli: ‘Neprijatelji se okupljaju zbog vas, trebate ih se pričuvati!’ – to učvrstilo vjerovanje, pa su rekli: ‘Dovoljan je nama Allah i divan je On Gospodar!’ I oni su se povratili obasuti Allahovim blagodatima i obiljem, nikakvo ih zlo nije zadesilo i postigli su da Allah bude njima zadovoljan - a Allah je neizmjereno dobar. To vas je samo šejtan plašio pristalicama svojim, i ne bojte ih se, a bojte se Mene, ako ste vjernici! Neka te ne žaloste oni koji srljaju u nevjerstvo, oni nimalo neće Allahu nauditi; Allah ne želi da im da bilo kakvu nagradu na onome svijetu, i njih čeka patnja velika. Oni koji su umjesto prave vjere nevjerovanje prihvatili neće Allahu nimalo nauditi; njih čeka patnja velika. Neka nikako ne misle nevjernici da je dobro za njih to što im dajemo dug život. Mi im ga dajemo samo zato da što više ogreznu u grijehu; njih čeka sramna patnja. Allah neće vjernike s licemjerima izmiješane ostaviti, već će loše od dobrih odvojiti. Allah vama neće ono što je skriveno otkriti, već On za to odabere onoga koga hoće od poslanika Svojih; zato vjerujte u Allaha i poslanike Njegove; i ako budete vjerovali i Allaha se bojali, čeka vas nagrada velika.” (Ali Imran, 169–179)

“Svako živo biće će smrt okusiti! I samo na Sudnjem danu dobit ćete u potpunosti plaće vaše, i ko bude od Vatre udaljen i u Džennet uveden – taj je postigao šta je želio; a život na ovome svijetu samo je varljivo naslađivanje. Vi ćete sigurno biti iskušavani u imecima vašim, i životima vašim, i slušat ćete doista mnoge uvrede od onih kojima je data Knjiga prije vas, a i od mnogobožaca. I ako budete izdržali i Allaha se bojali, pa tako trebaju postupiti oni koji su jakom voljom obdareni.” (Ali Imran, 185–186)





Uzvišeni je pravedno presudio da je uspjeh zagaranovan za one koji ispune Njegove uslove: "O vjernici, budite strpljivi i izdržljivi, na granicama bdijte i Allaha se bojte, da biste postigli ono što želite!" (Ali Imran, 200)

Istinite su i pravedne riječi vašeg Gospodara, koje srce ispunjavaju jekinom – čvrstim ubjeđenjem, i podstiču ga da ustraje na putu istine do Sudnjeg dana: "Hvaljen neka je Onaj Koji je u jednom času noći preveo Svoga roba iz Hrama časnog u Hram daleki, čiju smo okolinu blagoslovili kako bismo mu neka znamenja Naša pokazali. On, uistinu, sve čuje i sve vidi." (El-Isra, 1)

Znajte da je najnemoćniji onaj čovjek koji je ostavio dovu i da vam je Allah u ruke predao riznice pokornosti i ključeve uslišanja, pa vas je obavijestio: "Allah i meleki Njegovi blagosilju Vjerovjesnika. O vjernici, blagosiljajte ga i vi i šaljite mu pozdrav." (El-Ahzab, 56)

Donosite salavate na Poslanika, sallallahu alejhi ve sellem, podarenu milost i nepresušnu blagodat, to vam je naredba od vašeg Gospodara, Koji je objavio: "Allah i meleki Njegovi blagosiljaju Vjerovjesnika. O vjernici, blagosiljajte ga i vi i šaljite mu pozdrav!" (El-Ahzab, 56)

Allah podario blagoslov meni i vama u časnom Kur'anu, i okoristio mene i vas njegovim ajetima i mudrom opomenom. Rekoh ovo i od Allaha Uzvišenog tražim oprost za sebe, vas i sve muslimane od svakog grijeha, a tražite i vi, On mnogo prašta i milostiv je.

